

15 Detshenonweron Philologus, neony Julia Nereus, neony ne yadonnohsenja, neony Olympas, neony wagwekon ne rodiyadadokenty ne skahne ronadatenron.

16 Dessewadadenonweron kayadadokentitserahkon dense wadatkwanyon. Agwekon ne raononsadokentiokon ne Christ watyetshinonweron ne jonha.

17 Nonwa wagwarihwanon-tonseh, dewadadekonokonja, yetshiyatonnikonraronh ne radityohkohwihhons neony kanhitserakon yothaharakwen jiniyoht ne karikhonnyonyatsera ne sewaweyendehdahon; neony kajadonek ne rononhahke.

18 Iken ne eh nihadiyadohton yah dehonwayohtenseh ne Shongwayaner Jesus Christ, ne ok ne yadehhadiyahty radinekwendake; neony onhhontste kawennihyohs neony yoraseh adatyatseraakon enhshakodinikohrhahaten ne niyakonikonra.

19 Iken ne jadewonnarakwatsera yahonwe jinonka ne ok yeyongwedagwehkon wahkadonhahron kady ne iseh sewarihwahke; nok neh dewakadonwenjony naejatdohkageh jinonka ne jiyoyahmere, neony yah otheon thaesewarihwayendake ne neh aorihwakenewahhetkoh.

20 Neony ne Niyoh ne skenonh enhodakwaraseh ne Satan sewahsihdokoh yosnoreh. Ne raotenrat Shongwayaner Jesus Christ sewakwekonhak ne jonka.

21 Timotheus ne skahne yon-

keniyohthonhs wadetshise wanonweron ne jonha, neony Lucius, neony jason, neony Sosipater onkwadadenonkweh.

22 Iih Tertius wakyahthon kenikonh kahyadonkwa, watkwanonhwerahthon ne Royanerne.

33 Gaius ne neh dehaksnyeh neony ne wagwekonhne atkon-nissaatsera watyetshinonweron ne jonka. Erastus ne shakoderihwatsterisdahse ne kanahdakoh wadetshisewanonhweratonh ne jonha, neony Quartus onkwadadekonhah.

24 Ne raotenrat Shongwayaner Jesus Christ sewagwekonhak ne jonha. Amen.

25 Nonwa ne raonhageh ne rokwenyon nentshisewayahdahpiradeh ne jonha tyoyanenja ne akerihwadokenty neony ji waderihwanoteh ne Yesus Keristus, tyoyanenja ji yoderihhodahsyon ne yoderihwasehton, nene yah dewatrori ji wathawinontyeh ne jiniyenhenweh.

26 Nohnonwa nen ok kenntonwe thiyotonh, neony tyoyendahkwene kahyadonserahdokentike ne yehhadirihwakens, tyoyanenja ne raorihwadatsera ne jiniyenkenwe Niyoh, agwekon ne rononwenjadenyon rodidokenseh jinonka nadewennarakwatsera ne dewehdahgwen:

27 Ne raonhake ne neck yehkon kahnikonhrowanentsera Niyoh raorihhonyat Jesus Christ: raonhakeh kenhak nonwesentsera jiniyenhenweh. Amen.